

已令董治 鳩工構宇即上清之東隅建  
萬寧之別觀庶專靜館延處雲輶可預擇徒  
第來此住持故茲示諭想宜知悉

領所奏道教未便洎陳乞事卿道門宗師教  
法綱領凡所陳請皆合朕志朕遠高論日馳

南顧遐想香火之餘高樓雲表保神練氣所  
得多矣宜師淨之候黃冕到山可同赴闕春  
序將暄為道加慎大觀元年二月十九日

勅劉混康省所奏辭免赴闕事具悉朕欽奉  
真元夙崇高道眷彼棲真之侶常形夢寐之

思行瞻每渴於儀刑睽濶倏更於歲籥再歎  
話言庶資妙理是用載馳使傳敷趣造朝忽

露封章引疾懇避夫豈不懷義非可強當止  
召命更伺歲年尚慎寢養以副春渥春和卿

比平安好遣書指不多及

相別周歲引領尤勤兩披奏牘以疾力辭赴  
闕已具別勅可其所請宜亮悉之安處潛神

以保壽康想綽有餘裕也道場事前已報知  
宣師陳請皆契勸施行候指揮到止可令宣

師赴闕會晤尚賒對時自衛治百病傷風符

子告求數十道夜分燈下發慮先生意不安  
故也大觀元年四月七日

勅劉混康省覽具悉卿擯棄人事遠去  
塵寰既彈懇迫之誠勉徇便安之請遐想通

來怡神昭曠持法崇高處寂以絕管葆光而  
不曜臨風東望一及緒益不無傾渴之勤也

宜淨之便可發來赴闕或有奏陳詳具無隱  
初夏漸熱卿比平安好遣書指不多及大觀元年五月二日

別來一周星律傾渴話言未嘗替也志趣高  
尚厭絕繁紛得以澄神靜慮為沖漠之游良

多慰沈愈遠高論徒深引向首夏清和為道  
保育月末忽目音連發踈以書問宣師可令

速至有經數卷伺宣師到令附去皆親書  
茅山志卷之三

三

六

茅山志卷之四

上清嗣承師劉大彬造

詰副墨

宋詔詰

勅劉混康朕異又見長景殊積誅思想惟偃

蹇雲山養高物外從容於自得之場健羨無  
窮有所論言詎可勝口當伺馳馭西來面悉

至意彼中有目擊事毋憚煩碎並附郵傳以  
聞使一方民瘼不壅於上聞茲所望也爰歆

隆熾善術冲和

宣師至所奏事一一備覽謹齋沐寫成密詞

一通託先生拜章奏達即幸也伺得天語速  
具奏來餘面論宣師令於先生處開陳貴妃

表一通亦附於宣師回山御筆畫元始天尊  
太上道君各一本可與去歲所畫太上老君

共三清潛神供養北斗等經五冊扇頭二十  
箇果實一十件香華龍腦茶燭等各以數交

割付宣師空名祠部五十道紫水三十道恐  
要度徒弟宣師之下應徒弟賜以紫衣師號

隨行侍者十五人皆賜披度又賜束帛有差

大觀元年七月二十九日

累承所惠符子不敢自尊人若有疾必與服之庶滋先生治病救人之意請符子告求數十道附遞進納

勅劉混康所上表并錄奏具悉仍知所拜章

詞消辰已達得聞筌秘嘉歎良深倘非卿迪

中觀妙契道育真志念蒼黔誠通淵默者孰

能臻此欣沃可知涉此夏秋益崇慶善朕萬

機之暇每覽道樞傾想話言何啻飢渴發春

匪邈期必西來當體至懷母執謙避秋高氣

肅卿比平安好遺書指不多及

久阻德標雅動引嚮累收郵中之奏聞安處

潛神綽有餘裕淨之所奏各與勤施行來春

赴闕別初已論此不多遂當乘春水扁舟西

上母固抑朕意也秋秋霜清保錄持教外善

衛為最大觀元年九月五日

勅劉混康省所上表進奉天章節功德踧具

悉孟冬正候誕節屆期嚴道乾於瑤壇祝後

天之景福願惟方外之侶不忘事上之誠迺

懇忠勤益用歎獎故益示諭想宜知悉初冬

卿比平安好遺書指不多及大觀元年十月十四日

朕遠之久傾想惟勤喜知道履冲粹所素辭

免春首赴闕事朕未諭也誠欲再見儀刑欵

導積瀾而避避弄三詞情迫切遽見絕之若

是沉仙鷄安流何勞之有歲元後別降詔旨

預此及之未間保練天和為祝來春遣人宣

召母得推辭阻命

勅劉混康累上表事具悉卿養浩山樊棲真

物外優游自得起處甚休存覽貢章深嘉勤

至淮妙談之杳隔第馳情以瞻思累頒詔書

來春赴闕尚遲他託苦厭塵喧當抑志而暫

枉飛免母養高以固遠朕志尚體春過無忽

予言冬序云初冲襟善保乍寒卿比平安好

遺書指不多及大觀元年十月十九日

所奏增崇三茅徽號已契勅典禮施行至宜

悉之春首會面不可拒命所期者欲密高妙

而已冬候向嚴倍萬冲禱符子更求數十貼

即感也宮門事常在念豈不懷耳

勅劉混康頤悟真機昭融至道奏覽奏憤寔

契朕心欽迺三茅懇求封冊緬懷道廢宜示

慶隆即付攸司併加顯命今令頒錫至可領

也各閏紀良保願何若阜流脩阻系想徒勤

俯邇春和切期構止安然舟御勿憚一來密

屆迎長精加澄練冬寒卿比平安好遺書指

不多及

自別仙風起處佳否芒蓋東下每一念之未

當不慨然耳雲水生涯道遙自得真有出世

無窮之樂極思講妙決在來春未間保錄持

教外善畜是禱大觀元年閏十月二十一日

勅劉混康累收來奏備悉勤恪不啻與聲教

接也順履時序息息何若來春飛船西上妙

論可期貴妃所需符子當為應副未聞善為

輔養

三茅君聖像畫畢止伺先生到闕專得面付

治病佩帶符子各求數十貼大觀元年十一月六日

勅劉混康省所上表來春赴闕事具悉卿累

造宸廷遽乞還山兩歷歲華每勤馳鶴且聞

春初西上深契予懷極思談微講妙預當滌

慮齋心以伺耳申遣使人計治舟御許從便

道飛船安濟宜速辦裝慰此翹渴會晤伊邇

尚宜善術已差入內西京在藏庫使殿中省  
高輦馬典御勾當龍圖天章寶文顯模閣黃  
希更降初召卿赴闕春寒卿比平安好遣書  
指不多及

獻歲發春順履時序起處安如陳乞事並依  
所欲逐一施行若自京口而來極便思一見  
之形于寤寐伺黃希更到毋少稽留可乘春  
水庶無阻滯有所需關一一奏來區區已具  
勅書茲不多述黃希更到便可促行

○日五

勅劉混康卿近嬰微恙已遂痊平計惟保練  
有方無勞藥餌近覽來奏力疾造朝足切勤  
確不替忠嘉披閱以遠良深歎獎希更到日  
便可飛初乘此春波安濟西上經過郡邑無  
為滯留好伺鶴軒以欸清論暄妍在序善輔  
是宜中春卿比平安好遣書指不多及

二月十五日

春色晴融仙舟偃息不妨高養浩然之氣良  
自得也或有所需可計會希更行當會見預  
已忻快未聞尚宜保練為最

初劉混康卿持心淵靜毓德沖和每造楓宸  
居多啓沃不聞名理忽復累歲鄙吝之心生  
焉申遣使人往趨馳取宜輟白雲之游來赴  
紫宸之會其諸旨意已具前詔當體眷想毋  
復稽留今差入內文思使殿中省尚輦局與

御勾當龍圖天章寶文顯模閣黃希更管押  
舟船就茅山宣召卿赴闕故茲示諭想宜知  
悉春暄卿比平安好遣書指不多及  
思渴晤言何劇如之以日計程四月上旬必  
達闕下春水安流想無阻節途中宜止絕人  
事日惟東顧以伺將欲入汴宜速奏來未會  
聞尚須善護

○日五

贈太中大夫誥

朕惟至德之世無為而萬物化淵靜而百姓  
定爰率是道納民泰和誠意感通異人齊至  
春過之禮曲盡始終葆真觀妙沖和先生劉  
混康虛一守真純白自得前知休咎能警群  
迷或託呪符克愈衆疾雖身棲林谷而名振  
京師朕用嘉歎召對閒宴屢聞至論深契予  
心比復造廷燕居琳館了然委化不約而同

靜思所存宜加憫飾太中之秩視諫大夫茲  
為異恩尚期故事特贈太中大夫

謚辭一誥

初朕惟由水之穴北距岱宗南接羅浮證法  
冊於河圖得嘉名於地肺抱道秘境惟昔高  
人真風未忘前轍具在贈太中大夫劉混康  
出塵累之表以虛靜為宗觀妙勾金之壇葆  
光埋璧之地慕真風於南嶽窺奧義於西城  
衆方有求忽若委蛻其頌美謚式昭正一之  
功庶幾異時益振沖虛之教可特賜謚辭一

勅賜元符萬寧宮

尚書省牒江寧府茅山元符萬寧宮茅山元  
符觀牒奉勅宜改賜元符萬寧宮為額牒至  
準初故牒崇寧五年正月 日牒中大夫守  
司空右 太中大夫守左丞何

建元符萬寧宮提舉等官推恩勅命

初相觀福地肇建祠宮為彼羣黎導迎景貺  
龍圖閣直學士左朝議大夫胡師文等克共  
廼事建茲落成嘉汝之勤叙進官品若時休  
命亦既廼心可特授左中散大夫依前職差

遣宣義郎江東運判喬可特授宣德郎差遣如故承事郎知句容縣事鮑慎辭特授宣義郎差遣如故右侍禁監江寧府排岸高士還特授左侍禁西頭供奉官高公鼎特授東頭供奉官借職張和特授奉職差使葉承特授借職三班差使益忠特授三班借職知縣事鮑慎辭免三年磨勘

又別勅

江寧府茅山元符萬寧宮修蓋潛神庵宇等安排御書評了畢事體非輕下項管勾催促部役官等可特依此推恩發運副使劉何與轉一官江寧府通判范希逸與減三年磨勘候今任滿日特令再任其部役巡檢內殿崇班孫明翼轉一官

勅賜藏真觀

尚書省牒江寧府藏真觀故劉混康葬所見修道院牒奉勅宜特賜藏真觀為額牒至準勅故牒大觀二年十一月日牒中大夫守左水余太師左僕射

宣和封陸簡寂真人誥

朕惟前古高蹈之士名迹不泯而稱號未稱

者所以追顯之

簡寂先生陸修靜真精內得道經垂範而脫然超世虛阜故隱有祠至今考實定名禮以真人之號非特用褒往躅亦俾後之聞風者知道之所在而勉焉可特封丹元真人

宣和封楊郭許陶五真人誥

勅朕存嬰霄府瞻景龍臺瞻三秀之神鄉企九華之妙誨欽厥列仙之躅昭茲闡化之功東華上佐司命楊真人積學洞微研心合漢得中黃之隱訣受南真之秘傳董司吳越之疆關總神靈之要方謂揚於至道宜褒極於隆名庶期沖鑿之臨永侈蕃楨之錫可特封洞靈顯化真人

勅三烈隱靈固非名古之測萬神變化莫容謀擬之求凡褒叙於上真實恢張於至道玉

臺侍郎郭真人功參十柱位列九宮金景玉璫已飛行於太極扶華展蓋莫總侍於虛皇方丕闡於元綱宜致隆於顯號尚期沖格永祐昌圖可特封太微葆光真人

勅朕降總真之玉境陟耀景之龍臺表校曆

於元高以濟生于下土凡著功於道品咸進位於仙宗上清真人許長史清素外融神明內得靈音斐暢密參羣聖之游款駕超遙高佐上清之理方流羅于大梵宜崇配於德名庶昭丕佑之臨益廣無為之化可特封太元廣德真人

廣德真人

勅紫極涵元雖頌濂於一炁丹臺列籍實總括於萬真凡褒位於仙宗蓋恢功於道甫東華侍帝晨上清仙公許真人研三神以觀妙凝九緯以挺生北洞告終自適幽人之分東華躡景獨超上相之游雖高謝於世名其敢忘於仁蔭尚期沖祐益闡元綱可特封混化元一真人

勅朕膺瓊霄之景命握龍漢之寶符蓋將敷暢靈音恢隆道化闡微言於至教薦休命于

列真蓬萊都水監陶隱居振迹榮羅濯精華闢神交無累迹雖相於山中誠感夙通賦已仙於海上願德名之莫擬豈妙蔭之敢忘尚都顯號之榮永介涵生之祉可特封宗元翊教真人宣和六年八月三日太傅兼國公臣

本昌 中書舍人臣舉志行 勅如右錄到奉行

乞封五真人奏別

臣輒瀝愚懇仰濟宸嚴退省賤庸甘伺朝  
典竊惟自古得道昇真之士先後相承為  
時宗仰皆以扶世立教為已任自三茅真  
君飛昇之後繼有楊郭二許眾真至於句  
曲精修上道天真降顧親受秘語上清經  
教漸降人間遠梁宋之際真風洪汨聖道  
不絕如帶惟陶隱居力扶宗教以微言與  
旨發明道要為天下後世之幸然而三茅  
兄弟頃蒙朝廷褒崇冊封聖位其餘眾真  
未聞有以旌異臣愚欲望聖慈特以楊郭  
許陶眾真並依三茅真君例就今仙職加  
崇吳號除別具諸位仙品奏聞外如蒙俞  
允乞降睿旨下有司施行干冒天威取進  
止宣和六年七月 日 第落部舉神服被  
奏職臣下 奏行劄子

寧宗賜號王景溫

王景溫履道清尚操行高潔卷寵三朝朕亦  
禮遇可賜號虛靜真人

實慶易知剛先生勅牒

尚書省牒左右街都道錄主管教門公事太  
一官都監兼高士易知剛奏乞微野人頃在  
茅山於慶元改元蒙恩召充太一官高士并  
都監住持專任祈禱每藉君相為國愛民靡  
不昭格越今三十餘年徧除道階昨於嘉定  
六年蒙恩特賜通妙先生續於嘉定十四年  
得旨降香設醮茅山訖事回奏乞老還山恭  
奉御筆高士易知剛祈禱有功未應告老宜  
加顯錫以重春留特賜通妙孫真先生今繼  
連寧宗皇帝御書二軸伏望尚書省特頒勅  
命挂表名山以重祈禱伏候指揮  
實慶元年七月十四日奉聖旨特令尚書省  
出給勅牒奉勅宜賜通妙孫真先生牒至準  
勅故牒 實慶元年七 日 牒

理宗金籙投龍玉簡詞

維嘉熙元年歲次丁酉九月己酉朔二十六  
日甲戌嗣天子臣昉伏為保延國祚恭祈嗣  
續敬齋香信祇建神科命道士二十一員於  
建康府元符萬寧宮啟建靈寶道場一晝二

夜滿散設醮三百六十分位告盟天地誕集  
嘉祥體依舊式詣上清宗壇華陽洞天投送  
金龍玉簡伏望至聖至真鑒茲丹悃乞為騰  
奏上聞九天臣昉伏以元儲虛位未開熊夢  
之祥邊關分屯高調虎符之戍內欲隆於國  
本外思靖於兵氛仰惟祖宗積累之難深切  
朝夕繼承之懼是用肆類上帝徧禱名山願  
垂覆燾之仁弘賜扶持之力得男而應震索  
茂延百世之期偃武而致太平坐底四方之  
治保基圖於鞏固措民物於教寧祇遵靈休  
永依大造臣昉無任懇禱之至謹言

加封廣濟廟龍神誥

勅教澤廣應侯惟龍質無體而神無方矧茅  
山至人所居彼其吐吞夫丹竈之日月猶足  
依憑而為靈乎有司上功雨暘日時其禦當  
也實應祭義申衍侯號用侈褒章金陵予陪  
都其職而幽以服而侯甸之職可特封教澤  
廣應利濟侯奉勅如右牒到奉行 淳祐四年 日  
淳祐加封三茅真君誥  
勅朕聞真人馭風騎氣神游八極之表而一

念在生靈則猶數數然也太元妙道冲虛真  
君東嶽上卿司命神君成道於茅山登籍於  
仙府三君之首者也奇驗見于歷代遠近以  
為司命朕為黎元慕尚不已特命有司並衍  
嘉號以彰欽崇可特封太元妙道冲虛聖祐  
真君東嶽上卿司命神君

初朕聞句曲三峯神君顯甚遂有金壇洞天  
之名歷代所慕尚豈獨於今乎定錄右禁至  
道冲靜真君修真得道是謂中茅兩賜應禱  
遠近德之亟命衍號以答鴻休其體朕意益  
陰陽于下民可特封定錄右禁至道冲靜德  
祐真君

初朕聞漢武祀神君於禁中其祝甚秘蓋以  
微福朕不為也三官保命微妙冲惠真君真  
風道氣號小茅君祈咤故事祭典褒崇蓋非

一日矣茲命衍號以昭朕奉慕尚之意益  
闕貺施以惠生靈可特封三官保命微妙冲  
惠仁祐真君奉初如右牒至奉行淳祐九年  
三月九日  
太傅左丞相魏國公清之右丞相癸  
參知政事方叔 吏部尚書關  
知政事錄  
尚書清史

御賜沉香描金如意一事上獻大茅君白玉  
圭二面上獻中茅君小茅君聖像東執旌節  
幡幢威儀等一十二件沉香五十兩腦子五  
兩錄一百兩綠錦幡二首各長二丈新茶五  
十片官會十萬緡付茅山崇禧觀

協忠大夫保康軍承宣使入內侍省都  
知提點佑聖觀張 左街道錄洞微真應  
先生佑聖觀虛白齋高士主管教門公事  
司徒師坦上表以臣三年祈禱感應微勞  
乞回降恩命加封三茅真君奏可  
元詔詰

世祖皇帝召蔣宗師詔

上天眷命  
皇帝聖旨諭建康路三茅山三十八代宗師  
蔣宗瑛聞汝年高德邵法錄精嚴思接道論  
今遣使馳驛召赴闕廷仍勅有司如法律遣  
便安就道毋致艱虞故茲詔示想宜知悉  
元  
十八年二  
日  
金錄齋詞  
至大三年庚戌歲五月三日

上清大洞經錄無上三洞法師元景真人臣  
王道孟欽奉

皇帝聖旨伏以有國有家祗荷財成之造蓋  
高蓋厚敢忘祈謝之誠緘辭遠叩於名山微  
福永延於景運謹遣玄教嗣師總攝江淮荆  
襄等處道教所事崇文弘道玄德真人吳全  
節恭奉香幣詣三茅山元符萬寧宮上清宗  
壇修建金錄寶齋三晝夜滿散祗陳三界眾  
真清醮三百六十分位伏願覆育無私鑒觀  
有赫天長地久三官同康壽之祺兩順風調  
四海樂雍熙之治

又

延祐元年甲寅歲五月二十六日  
法位如前臣王道孟欽奉  
皇帝聖旨伏以惟

天惟祖之垂祐有國有家之在躬修省彌深  
報祈敢息啓冲科於茅阜集景既於靈圖諒  
有欲以必從信無遠而弗屆是以謹封香幣  
遣玄教嗣師總攝江淮判襄等處道教崇文  
弘道玄德真人吳全節詣元符萬寧宮上清

宗壇命宗師王道孟集法師道士一壇修建  
福國裕民金錄寶齋三晝夜滿散祗陳三界  
衆真清醮三百六十分位伏願  
一人有慶萬福攸同競業無曠庶官臻既醉  
虎醫之治怡愉以奉太后介未央長樂之春  
風雨順調民物康阜

又

延祐五年戊午歲正月五日

上清大洞三景經錄弟子四十五代嗣教宗  
師元景真人臣劉大彬欽奉

皇帝聖旨伏以輯寧邦家嗣服修經於八載  
欽崇天道封香爰至於三山當陽春發育之  
初祈大德生成之廣俯殫素悃仰格鴻禧謹  
遣元成文正中和真人江淮荆襄等處道教  
都提點夏文泳詣三茅山元符萬寧宮上清  
宗壇命臣集法師道士一壇修建福國裕民  
金錄寶齋三晝夜滿散祗陳三界衆真清醮  
三百六十分位伏願  
皇天眷命洪範錫嘒九族睦而萬邦和兵寢  
刑措六府修而三事治地久天長慈闈介康

壽之祺中間協和平之福慶延儲位澤被寰  
區

又

奉定三年丙寅歲十月十二日  
法位同前臣劉大彬欽奉

皇帝聖旨伏以誕膺景命祗紹丕圖保民無  
疆思永安於宗社應天以實庸昭祀於山川  
爰致清祠冀徹洪既謹奉香幣遣特進上卿  
玄教大宗師崇文弘道玄德廣化真人總攝  
江淮荆襄等處道教知集賢院道教事吳全  
節詣建康路三茅山元符萬寧宮上清宗壇  
開建金錄寶齋祈天永命福國裕民伏望瑤  
霄委監寶祚延長邦家開太平之基三宮同  
慶海寓樂雍熙之治萬國咸寧

又

天曆三年庚午歲正月九日

太上弟子嗣上清高玄大洞經錄四十五代  
宗師三天法師上景真人行九老仙都君印  
職臣劉大彬欽奉  
皇帝聖旨伏以恭承明命克紹丕圖欽若昊

天荷皇天之簡眷敬哉有土其率土以乂寧  
爰闡神科用徹洪既謹奉香幣遣法師舒致  
祥詣三茅山元符萬寧宮上清宗壇修建金  
錄寶齋三晝夜滿散祗陳三界衆真清醮三  
百六十分位伏願乾坤合德日月齊明海晏  
河清開八荒之壽域時和歲稔得萬國之懽  
心

延祐加號三君立觀三峯誌

上天春命

皇帝聖旨靜慕玄風灼觀往事無為曰道必  
刻意繕性而始成修身迺真非積行累功而  
莫就大茅君東嶽上卿司命太元妙道冲虛  
聖祐真君奇操矯俗精思集虛一德齊心受  
龜臺西華之祕旨萬靈授職開金陵句曲之  
宗壇丹光千載以如新寶氣三峯而彌固發  
祥聲社民到于今稱之逆兩寧風天之所助  
順也重惟作聖允合祐神孔蓋翠旌祀莫嚴  
於司命瓊文藥簡禮爰舉於秩宗假茲聰明  
佐于平治可賜茅山一峯聖祐觀特加封大  
茅君東嶽上卿太元妙道冲虛聖祐真應真

君主者施行

上天眷命

皇帝聖旨合人心理萬物禮宜順於鬼神建  
皇極錫庶民微有稽於賜雨大江以東之地  
句曲為望之宗土樂昇平歲稱稔足二茅君

定錄右禁至道沖靜德祐真君中峯司命西  
華鍊形作牧審煩擾之非修身得恬澹之要

騁導從墳虎儼奏於雲中化鶴來歸城郭  
時看於華表朕方推仁以濟眾靈宜妙物以

祐民學道受之以神端有宗於季耳望祀不  
祈其福誠深慕於漢文嘉與合生誕敷景命

可賜茅山二峯德祐觀特加封二茅君定錄  
右禁至道沖靜德祐妙應真君主者施行

上天眷命

皇帝聖旨氣化為神握陰陽而執要物來能

應遇水旱以成功茲山之靈以氏為號三茅

君三官保命微妙沖惠仁祐真君不導引而

壽體純素為真密從蒼龍承左右而無間時

乘白鶴侍伯仲以遠游荷天之休為民請命

逍遙容與服光景以如新周流徜徉蒙福祉

而無極肆加衷錫不應隆平埋鼎高峯爰慕

軒轅之有道獻金空谷方薄先武而不為以

赫厥靈同歸于治可賜茅山三峯仁祐觀特

加封三茅君三官保命微妙沖惠仁祐神應

真君主者施行延祐三年七月日翰林侍  
制表請祝草翰林學士承

古題主  
頌詞呈

初賜宗禧萬壽宮

上天眷命

皇帝聖旨朕流觀山圖夷考仙蹟瞻曲林之  
舊館實私景之故居原其建立之初以處高

第弟子及今千載猶想遺風朕將益崇神明  
用著高尚其建康路三茅山崇禧觀可準玄

教嗣師掌教真人吳全節所請賜號曰崇禧  
萬壽宮主者施行延祐六年  
三月六日


茅山志卷之四

茅山志卷之五

上清嗣宗師劉大彬造

三神紀

茅君真霄



大司命君姓茅諱盈字叔申咸陽南關人也  
姬宵分根氏族於茅積德累仁祚流百氏高  
祖諱濛字初成一字本初深識玄遠察覽興  
亡知周之衰不仕諸侯廼師於北郭北阿鬼  
谷先生長往華山道成以秦始皇三十年九  
月庚子乘龍白日昇天時色童謠歌曰神仙  
得者茅初成駕龍上界入太清時下玄洲戲  
赤城繼世而往在我皇帝若學之臘嘉平始  
皇聞之詢諸父老具對曰此仙人之謠勸帝  
求長生之術於是始皇忻然有尋仙之志因